

Adrodd i	<b>Y Panel Gweithredol</b>
Dyddiad	<b>12 Rhagfyr 2022</b>
Swyddog Arweiniol	<b>Stewart Forshaw, Dirprwy Brif Swyddog Tân</b>
Swyddog Cyswllt	<b>Stewart Forshaw, Dirprwy Brif Swyddog Tân</b>
Pwnc	<b>Canolfan Hyfforddi Newydd</b>



## PWRPAS YR ADRODDIAD

- 1 Mae'r adroddiad hwn yn cyflwyno'r diweddaraf am y gwaith a wnaed hyd yma ar gynhyrchu achos busnes manwl ar gyfer opsiwn/opsiynau canolfan hyfforddi a datblygu newydd yng Ngwasanaeth Tân ac Achub Gogledd Cymru (y Gwasanaeth).

## CRYNODEB GWEITHREDOL

- 2 Mae'r Awdurdod Tân ac Achub Gogledd Cymru (yr Awdurdod) wedi ymrwymo i ddarparu hyfforddiant gweithredol hanfodol i'w staff i gefnogi'r gwaith o ddarparu gwasanaethau a diogelwch diffoddwyr tân. Nododd asesiad y Prif Swyddog Tân a gynhaliwyd yn ystod 2021 'hyfforddiant' fel maes blaenoriaeth a rhoddwyd cymeradwyaeth i'r Awdurdod gynnal adolygiad llawn ar ddarparu hyfforddiant a datblygiad gweithredol yn y Gwasanaeth yn y dyfodol.
- 3 Mae hyn wedi cynnwys adolygiad o'r cyfleusterau hyfforddi gweithredol cyfredol yn y Gwasanaeth, gan gynnwys y rhai sydd wedi'u lleoli yng Ngorsafoedd Tân Dolgellau a Rhyl. Nododd hyn yr angen i fuddsoddi mewn cyfleusterau hyfforddi a datblygu er mwyn sicrhau parodrwydd a diogelwch gweithredol, o ran y ddarpariaeth bresennol ac yn y dyfodol. Yn benodol, bydd angen buddsoddi mewn cyfleusterau hyfforddi newydd ar gyfer yr angen i ddarparu profiadau hyfforddiant ymarferol a throchol ar draws ystod o senarios.
- 4 Mae'r adolygiad o'r cyfleusterau hyfforddi gweithredol yn y Gwasanaeth hefyd yn cefnogi canfyddiadau diweddar y Prif Gynghorydd Tân ac Achub adolygiad thematig o hyfforddiant gweithredol o fewn Gwasanaethau Tân ac Achub Cymru, sy'n cydnabod bod angen buddsoddiad cyfalaf sylweddol i efelychu amodau yn y byd go iawn er mwyn i ddiffoddwyr tân ddatblygu a gwella eu sgiliau mewn amgylchedd hyfforddi.
- 5 Yn dilyn cymeradwyaeth yr Awdurdod yn ei gyfarfod ar 17 Hydref 2022 i ddyrannu cyllideb ar gyfer datblygu achos busnes manwl ar gyfer canolfan hyfforddi a datblygu newydd, mae nifer o opsiynau wedi cael eu harchwilio gan dîm y prosiect. Mae'r gwaith hwn yn cynnwys nodi darn o dir addas ar gyfer lleoli'r ganolfan hyfforddi a datblygu newydd yng ngogledd Cymru.

- 6 Mae cam nesaf y gwaith o ddatblygu achos busnes yn cynnwys ymrwymo i gytundeb cynhwysol gyda'r tiffeddiannwr, fel y gall y diwydrwydd dyladwy gofynnol ddigwydd cyn argymell a cheisio cymeradwyaeth gan yr Awdurdod ar gyfer prynu tir.

## **ARGYMHELLIAD**

- 7 Argymhellir bod yr Aelodau:
- (i) yn nodi'r cefndir ar gyfer adolygu'r ddarpariaeth hyfforddiant gan gynnwys adolygiad thematig Prif Ymgynghorydd Tân Cymru;
  - (ii) yn nodi bod y ddarpariaeth hyfforddiant gyfredol yn cyrraedd diwedd ei hoes;
  - (iii) yn cymeradwyo cynnwys cyllideb ar gyfer prynu tir o fewn cyllideb 2023/24 gan nodi y bydd hyn yn destun cymeradwyaeth ar wahân yn dilyn cwblhau diwydrwydd dyladwy; ac
  - (iv) yn nodi'r amserlenni sydd yn yr adroddiad hwn ar gyfer darparu achos busnes manwl i'r Aelodau ei ystyried.

## **CEFNDIR**

- 8 Yng nghyfarfod yr Awdurdod ym mis Medi 2021, cafodd y tair prif flaenoriaeth eu cyflwyno i'r Gwasanaeth gan y Prif Swyddog Tân yn ei hasesiad a'u cymeradwyo gan yr Aelodau. Roedden nhw'n cynnwys gwella argaeledd, gwella hyfforddiant a chryfhau'r strwythur corfforaethol.
- 9 Roedd yr adroddiad a gyflwynwyd i'r Awdurdod ar 17 Hydref 2022 yn argymell bod cyllideb gychwynnol yn cael ei dyrannu i brosiect y ganolfan hyfforddi newydd, er mwyn cefnogi'r gwaith o wella hyfforddiant.
- 10 Ar ôl cael cymeradwyaeth, mae fîm prosiect y ganolfan hyfforddi newydd wedi ymgynghori â staff, gweithwyr adeiladu proffesiynol, arbenigwyr cynaliadwyedd a phensaer i ddatblygu dyluniad lefel uchel ar gyfer canolfan hyfforddi a datblygu newydd o fewn GTAGC. Mae hyn hefyd wedi cynnwys nodi darn o dir a gafodd ei asesu fel un sy'n addas o ran ei leoliad daearyddol a'i faint.

## **GWYBODAETH**

- 11 Mae'r Gwasanaeth wedi cynnal adolygiad manwl o'i gyfleusterau hyfforddi gweithredol yng ngorsafoddd tân y Rhyl a Dolgellau ac o ganlyniad daeth i'r amlwg nad ydynt yn darparu'r cyfleusterau sydd eu hangen i hyfforddi diffoddwyr tân sy'n gweithredu mewn gwasanaeth tân ac achub modern.

- 12 Er bod cyfleuster hyfforddiant tanau tai yng ngorsaf dân Dolgellau yn parhau i gael ei ddefnyddio ar gyfer hyfforddiant gweithredol, mae angen buddsoddiad sylweddol ynddo i ymestyn ei oes tymor canolig ar gyfer offer anadlu hollbwysig a hyfforddiant tactegau diffodd tân ar draws ystod o senarios y mae ein diffoddwyr tân yn eu hwynebu. Fe'i lleolir hefyd mewn ardal yng ngogledd Cymru sydd gryn bellter i'r mwyafrif o'n staff deithio yno i fynd ar gyrsiau offer anadlu.
- 13 Yn ystod y ddegawd ddiwethaf, bydd yr Awdurdod wedi nodi bod nifer y tanau a digwyddiadau brys eraill wedi gostwng yn sylweddol. Er bod hon yn stori o lwyddiant i'r gwaith atal tân sydd wedi digwydd yn ein cymunedau yn ystod y cyfnod hwn, mae wedi arwain at y risg y bydd diffoddwyr tân yn cael llai o gysylltiad â'r peryglon a'r sefyllfaoedd cymhleth y maent yn debygol o'u hwynebu wrth fynychu digwyddiadau o'r fath.
- 14 Mae halogyddion tân hefyd yn risg sy'n bresennol yn y mwg a nwyon fflamadwy a gwenwynig a ryddheir yn ystod tanau a gall gyfrannu at ganser a chyflyrau iechyd eraill mewn diffoddwyr tân. Felly, mae angen cynnwys rheoli halogyddion tân yn y gwaith o ddylunio'r ganolfan hyfforddi a datblygu, gweithdrefnau gweithredol a diwylliant y gwasanaeth tân ac achub.
- 15 Er mwyn lliniaru'r risgiau hyn, mae angen i hyfforddiant a datblygiad gweithredol i'n staff mewn amgylchedd hyfforddi realistig a throchol sy'n cynnwys mesurau iechyd a diogelwch digonol, fod ar flaen y gad wrth ddylunio canolfan hyfforddi a datblygu newydd, er mwyn darparu'r cyfleusterau hanfodol sydd eu hangen ar gyfer hyfforddiant a datblygiad o fewn y Gwasanaeth am y 25 mlynedd nesaf o leiaf.
- 16 Yng nghyfarfod yr Awdurdod Tân ar 17 Hydref 2022, cafodd yr argymhelliad i ddyrannu cyllideb gychwynnol i'r prosiect ei gymeradwyo, a oedd yn cynnwys yr opsiwn i ymrwymo i gytundeb cynhwysol gyda thirfeddiannwr safle a oedd wedi'i asesu fel un addas o ran maint a lleoliad.
- 17 Ers cyfarfod yr Awdurdod, mae tir addas ar gyfer lleoli canolfan hyfforddi a datblygu wedi'i nodi ac yn dilyn sgysiau gydag asiant y tir, cam nesaf y prosiect fydd ymrwymo i gytundeb cynhwysol gyda pherchennog y tir. Bydd hyn yn caniatáu i'r Awdurdod gynnal arolygon addasrwydd i'r safle a chais cynllunio o flaen llaw gyda'r swyddfa gynllunio leol.

- 18 Yn unol â'r arfer gorau ar gyfer rheoli prosiectau, yn dilyn cyfarfod yr Awdurdod ym mis Hydref 2022, datblygwyd Dogfen Cychwyn Prosiect (DCP) gan dîm y prosiect sydd wedi'i gymeradwyo gan y Tîm Arwain Gwasanaeth ac aelodau o'r Pwyllgor Tir ac Eiddo. Mae'r DCP yn nodi amserlenni'r prosiect cyfan, gan gynnwys penderfyniadau a phwyntiau cymeradwyo i'r Awdurdod yn ystod oes y prosiect.
- 19 Rhagwelir y bydd cam nesaf y prosiect, sy'n cynnwys ymrwymo i gytundeb cynwysoldeb tir ac arolygon safle cyn prynu yn dod i ben erbyn 31 Mawrth 2023. Yn dilyn y cam hwn, caiff canlyniadau arolygon o'r safle a chais cyn cynllunio i'r swyddfa gynllunio leol eu hadolygu a gellir cyflwyno argymhellion ar gyfer prynu safle i gyfarfod yr Awdurdod Tân ar 17 Ebrill 2023 yn ddibynnol ar y canlyniadau.
- 20 Felly, bydd cynnwys cyllideb i brynu tir o fis Ebrill 2023 yn cael ei gyflwyno i'r Aelodau fel rhan o broses gosod cyllideb 2023/24, er y gofynnir am gymeradwyaeth ffurfiol gan yr Awdurdod ar ôl cwblhau'r gwaith diwydrwydd dyladwy.
- 21 Ar wahân i brynu tir, mae disgwyl i'r achos busnes manwl ar gyfer y ganolfan hyfforddi a datblygu newydd gael ei gwblhau erbyn Gorffennaf 2023 a bydd yn cael ei gyflwyno i'r Aelodau ar gyfer craffu ymhellach arno a'i gymeradwyo bryd hynny.
- 22 Yn dilyn cymeradwyo cynigion yr achos busnes, bydd amserlen fanwl yn cael ei datblygu, er rhagwelir y gallai'r gwaith adeiladu ddechrau yn ystod rhan gyntaf 2025 yn dilyn cais cynllunio, datblygu briff dylunio manwl a chaffael prif contractwr.
- 23 Bydd yr aelodau'n cael eu diweddarau a'u hysbysu ar gynnydd y prosiect wrth iddo ddatblygu yn ystod y misoedd nesaf.

## GOBLYGIADAU

Amcanion Llesiant	Mae'r prosiect hwn yn cyd-fynd â holl Amcanion Llesiant a Chorfforaethol 2022/23 a bydd yn hyrwyddo diogelwch diffoddwyr tân, cefnogi parodrwydd gweithredol a sicrhau cynaliadwyedd yn y tymor hwy.
Cyllideb	Ariannwyd £250,000 o gronfeydd wrth gefn er mwyn datblygu achos busnes manwl ar gyfer opsiynau canolfan hyfforddi a datblygu newydd yn GTAGC. Bydd angen cyllideb ychwanegol ar gyfer prynu tir a chostau adeiladu, pe bai'r achos busnes yn cael ei gymeradwyo.
Cyfreithiol	Mae gan yr Awdurdod ddyletswydd o dan y ddeddfwriaeth Iechyd a Diogelwch i sicrhau hyfforddiant digonol i'w staff, a rheoli risgiau megis halogyddion. Fe wnaeth y prosiect hefyd fynd i'r afael â'r rhwymedigaeth gyfreithiol ehangach i leihau allyriadau carbon.
Staffio	Mae fîm a rhanddeiliaid y prosiect wedi'u cynnwys yn y Ddogfen Cychwyn Prosiect (DCP) i gael eu cymeradwyo yng nghyfarfod Tîm Arweinyddol y Gwasanaeth. Mae'r prosiect yn cefnogi iechyd a diogelwch a lles staff.
Cydraddoldeb/Hawliau Dynol/Y Gymraeg	Mae goblygiadau ar gyfer y nodweddion gwarchodedig wedi cael eu cynnwys yn yr Aseiad Effaith Integredig PID.
Risgiau	Mae'r holl risgiau wedi'u cynnwys yng nghofrestr risg y DCP.